

史  
載  
之  
方

史載之方卷下

診胃脉

訣云阿阿緩若春楊柳此是脾家居四季此  
叔和知之而未詳也大抵胃脉雖和緩而貴  
不疾不速重而取之不虧之浮而取之阿阿  
而至不洪不濁即爲五藏脉全若弦而急又  
洪大而有骨力即受肝熱邪能生嘔逆若弦  
而緊即受肝冷邪能生飧泄訣又曰脾數即吐  
因脾執此非脾熱乃肝熱而侵脾故作此和  
神之方須使去風邪藥以和胃藥此方神效  
但於使療處方覺其驗

訶子皮

壹兩

削木

好者 貳兩

藿香

梹榔本

陳橘皮

芎

獨活

此止風 各半兩

根子

此用 七錢

行肝氣乃木香中探 圖小氣烈味苦者

細辛

防風

甘草

炙各 一分

右為末每服三錢水一盞煎取捌分去滓和滓任

意服餌才服逡巡却覺胃膈如飢若是肝熱

刑脾而吐唇焦口膠面赤渴引飲小便赤背

脊寒洒洒如癰聞暖藥臭只要凉水喫即加

荊芥穗

貳錢

羌活

半兩

連翹

壹分

秦膠

三錢

乾薄荷

壹分

已上同為末每服三錢更入半夏二片水一盞

生薑三片同煎至七分服若是脾濕冷泄即加

香白芷

壹分

肉豆蔻

草豆蔻

各半兩

如法修製大抵用脾藥須要止風邪藥相並  
其他加減乃臨時看風氣多少即萬不失壹  
脚膝下邊生瘡乃肺氣不下降使然宜服降  
肺氣湯藥

有病吐半月不已乃心萑間有涎宜用天南  
星去涎藥去之

水邪攻心氣素問云攻所熱者死用桂與薑  
壯心氣勝之其病狂言身熱骨節疼痛面赤  
眼如拔而腦如脫

小便白濁而口乾是土氣餘而克腎水以枳殼

散清其脾則安痔病用荊芥薰以釣腸丸服之

方出靈苑者是

### 爲醫摠論

道之渾淪莫知其源道之既判變化无窮莫知其端推其變化之間凝而爲質五行名之化而爲氣五運統之鍾而爲人五藏應之自此而後物之可名數之可推理之可窮而道之迹乃可得而言之也大而天地小而一身理或皆然統而論之要其所養一歸之無失而已故雲霧不精則上應白露不下白露不下則苑豪不榮乃至賊風數至暴雨數起天地

四時不能相保與此天氣不襲道之相失也  
人之起居乖宜將養失度一藏有餘一藏不  
足寒溫之不能相交榮衛之不能相通風之  
氣乘隙而入疾如飛矢奇病奇疾應如反掌  
此天地之與人其理未嘗不一矣古之聖人  
和於陰陽調於四時春夏養陽秋冬養陰與  
萬物浮沉於生長之門故生身無奇病而壽  
敝天地無有終時此無他養無失而生氣不  
竭者也賢人則上配天以養頭下象地以養足  
中傍人事以養五藏而無失亦可益壽而有  
極時至於庶人不能法天之紀用地之理失於

所養天之邪氣感而害五藏水穀之寒熱感而傷六府地之濕氣感而害皮肉筋脉百病無端從斯而至病之一生千變萬化莫能窮究故世之善醫者不患治病之難患識病之難患使藥之難何則受病有淺深使藥有重輕度其淺深分毫之不可差明其輕重錙銖之不可偏淺深輕重之間醫者之精粗病者之性命差之毫釐失之千里得失之間死生性命之所係醫之道不得不爲之難也故善爲醫者一病之生必先考其根源定其傳受審其刑剋分其冷熱寒溫辨其上下内外有

真有邪有虛有實忽隔絕痞塞不通忽空虛  
微弱失守可針可灸可下可汗闕於不精勇  
於必驗制之有先後取之有輕重條理具存  
各有其常而不可差之分毫也夫病之所起  
其來有根源其次有傳受其傳有刑尅此非常  
之證勞傷之候也夫勞之爲病始於丹元髓  
海之虛則真病之所生莫不先在於腎水能  
勝火故傳之於心火能勝金故傳之於肺金能  
勝木故傳之與肝木能勝土故傳之與脾五  
藏相傳五氣相滅五神耗散榮泣衛除而精  
神榮衛治之之法其根在腎而未傳於心



者投之以腎邪之藥而其氣自損也當於腎之未治而傳之與心先治於腎攻其鬼而伐其根也次治心逐其邪而保全其心氣也當於心之未治而傳之與肺涕唾膠粘喘嗽不安先治於心攻其鬼而斷其相傳之勢火邪撲滅肺藥未投而喘嗽之消滅十亦去八九矣次治於肺解其邪而保安其金氣也後治於腎清其藏而還其真氣也當此未治而至於肺傳之肝筋骨痠痺隱伏於床治之亦徒勞功如此所為考其根源定其傳受而審其刑剋也夫五藏溫病安從來將養乖宜病

生於變是則百病之起雖千變萬化之幾而要其所歸不出於寒溫熱冷而已冷者不可治之以溫名曰不及涼而治之以熱名曰太過不及者病之不能滅而太過者反有所傷於真氣也冷者熱之寒者溫之輕重得宜疾徐有制動無毫釐之失而所療之病舉獲萬全此所爲分其冷熱寒溫者矣傳曰狂風入林枯枝先折猛雨破湮隙者先壞則入邪之所以感傷於人莫非乘隙而入此人之所病不能無內外上下之辨也肺氣喘嗽膠痰堅實伏在胷中潮涎併起傾損性命如此之類病在

上也脚膝痿軟行步無力腰膝沉重如此之類病在下也生於皮毛染於筋骨忽寒所中飲食不消忽熱毒所攻大府祕澀百端隨人冷熱如此之類病在內也在上者吐之而安然不可吐者當制之以緩在下者補之而愈然不可補者當制之以急在外者可針可灸可汗隨其所宜而在內者可攻可補可下隨其冷熱而已其治之有方其辨之有法亦何患乎所投之藥無必勝之驗者哉此辨其上下一內外者也夫五味爽人之口五色盲人之目嗜慾無窮貪着不已憂患迭生精神弛

壞而真殘根伐是人不能無虛實也實者  
爲有餘虛者爲不足有餘者瀉之不足者補  
之而補瀉之間又有內外之辨故形不足者  
溫之以氣精不足者補之以味五藏六府之內  
實者通之以藥餌四肢八節之外實者瀉之  
以針石 此其補瀉之有所不同也乃所爲分  
其虛實者矣夫古之人年滿百而動作不衰  
今之人年未滿五十而動作有衰非天之私  
於古而禍於今也古之人知養道之術嗜慾  
不能勞其目淫邪不能惑其心血氣安和精  
神內守故年滿百而動作不衰蓋真全而邪

氣不能勝也今之人不知養道之術務快其  
心逆於生樂血氣枯衰精神耗散乃有胎胎  
相傳病病相孕受氣虛微肌腠羸弱呼吸喘  
息之間而百病臻湊於五藏六府者矣此無  
他精虛神乏而外邪得以干其陰陽之正氣  
也善爲醫者保其真去其邪無使其過劑  
之藥反有以賊其真也此所謂分其真邪者  
矣乃至有隔絕痞塞不通空虛微弱失守雖  
三尺之童亦耳聞而心識者矣夫病之在內  
藥餌攻之病之在外針石取之其有病勢之  
急而藥石之功緩而難制聖人不能灸之

法類而舉之若今陰毒傷寒其四肢八節皆冷面青唇黑不知人事急於氣海灸之一灸不過十數壯而人神氣完復矣又有夏暑之月任意取涼頻飲凉水忽飲冷酒後恣貪色慾精氣至虛陰邪壯盛陰陽相奪陰氣偏勝獨守下元陽氣虛微上攻頭項其病脚冷如雪四肢八節俱寒脉氣深伏但有其熱如火其痛難忍方此之際針石何濟急於氣海上灸之一灸不過數十壯而日前之所飲凉水冷酒皆轉下須臾四肢八節俱暖而陰陽之氣仍相交際者又有冷熱之癰腫忽鮮赤而

疼痛忽堅硬而不痛急以濕帛帖其上尋其  
帛之先乾處便灸一灸至百壯餘而後止若  
以冷腫而帛上不得其先乾處即於腫處當  
頭着灸亦以百壯而止但量肌腠厚薄方可  
安灸瘦薄者少灸肥厚者多灸忽是冷腫灸  
而不痛則以聞痛而止因喫硫黃後有此病  
更在虛處不請安灸夫病之可汗可下可針  
可灸其緩急之序重輕之別操之不失其宜  
施之各有其度又何患乎人之不安病之不  
愈者哉嗚呼天地無全功聖人無全能雖黃  
帝岐伯之論尚有不治之病則今有非常之

候不得其詳未明其寔具闕而勿治醫者不爲之辱也苟其病之熾盛人之危篤醫者既明其理又識其詳當此之時不可有分毫之怯急以毒藥驗針回其生於萬死之地舉必萬全然非至神無能與此愚者行之無異於操刀殺人也如此所爲闕於不精勇於必驗者矣此皆持之有術治之有統不可相踰於規短權衡者也至於病之有非五行之所傳化若寒壅之交陰陽之相伏忽似熱而反寒忽似寒而反熱忽兩寒兩熱之相攻忽有餘不足之相礙千變萬化而生人之口病苦今若肺



藏本有實熱反因臨大風冒大雨極感於寒邪之氣寒邪之氣客於肺經寒熱相交發而成嗽醫者治之投以涼藥順其肺氣則助其寒邪之勢而嗽愈增投以暖藥則激其本藏之熱而加喘急寒溫之藥俱難以進則脩方使藥之輕重當見於此或有以羌活

黃橘皮

麻黃

去根

紫苑

杏仁

去雙仁皮炙

細辛

獨活

防風

桔梗

右為末每服二錢沸湯點

服空心

不過數服而嗽止

此輕口口解其寒邪空心賺其寒邪之氣流出於胃也此所謂治其寒熱相交者矣忽有

人之藏府根本實熱却因履天暑冒大熱驟入涼處頓飲凉水寒氣勝畏其熱氣陰陽相伏陰氣固而不散陽氣伏而不動其病結爲一塊伏在胷中此病名爲伏暑者也其候忽寒心中煩躁狀似傷寒而脉不甚數醫者治之妄投轉藥雖六府之精華悉皆蕩盡而心前之結塊愈增堅固此無他所下之藥助其寒邪之勢陰氣轉堅而不散也治之之法

芎

細辛

藿香

黃橘皮木香

各五分

右爲末每服二錢水一盞煎至七分

爲湯空心服之先解其寒邪之氣不移時而

心前之結塊頓然消散然後復審其脉氣察其暑毒之輕重必投藥以解之則亦何患乎藥之不驗者哉如此所謂治其陰陽之相伏者矣夫病有似熱而反寒者若今有產後之病五藏積冷陰氣偏勝乳汁倍多無故流出口舌常乾非時發渴頭旋目暈飲食減少腸胃虛空身躰羸瘦每思登後忽又不通淺學治之不過曰口舌常乾非時發渴上焦之有熱也頭旋目暈血熱而生風也每思登後又忽不通者大腸之祕澀也是不知乳汁倍多無故流出則口乾而發熱從可知矣躰氣虛

弱頭旋目暈腸胃空虛而傳送之氣不足則  
每思登後又忽不通從可知矣一旦悞以爲熱  
而投之冷藥豈不傾人性命於頃刻哉病有  
似寒而反熱者若今壯歲之男子志在淫邪  
恣貪補藥以昏求色慾熱藥所攻榮衛結滯  
上氣有餘下氣不足上下之氣不相交際脚  
膝痿弱行步無力兩足多冷或時增寒肌骨  
黑瘦飲食減少才喫鹹味即便惡心醫者治  
之不過曰此五藏六府之虛弱也投以暖藥  
譬猶抱薪救火與甚亡益也才以清涼之藥  
解利肺經散其毒熱上攻之氣榮衛一通則

其陰陽之氣仍相交際手足自暖脚膝損輕而平復如故矣此所謂似寒而反熱也夫歲陽太過天地不無旱乾之災歲陰太過天地不無水潦之患以虛生寒以實生熱則人之藏府不能無兩寒兩熱之相攻也若今傷寒所謂陽毒之類皆兩寒兩熱之相攻者矣哀哉色慾無厭喪身之本世人多以迷心恣其所欲反治毒熱之藥以希苟活其丹元髓海雖已空虛而藏府骨槽虛熱轉盛此病之所生不能無有餘不足之相礙也若今人之患大腸秘澁忽五六日忽十日出後不通小腸虛憊日

夜五六十次每次小便仍有一盞半盞已來  
其清如水忽時黃色臨小便時其痛難忍甚  
則心神煩躁此肝心脾肺四藏之毒熱有餘  
而腎與小腸主氣不足也脾肺心積熱則腸  
乾澁腎與小腸虛憊則水道滑口肝心積熱  
則其血沸溢甚則血黯黑熱毒之氣如煙如  
霧鎮在中焦因其小腸虛憊水道乘虛只行  
於小腸此所以小便雖清其痛難忍其病有  
似於淋而非淋疾天下物理有似是而非者  
正謂此也醫者治之投暖藥以固小腸而則  
滋其肝心熱毒之氣而痛愈加下涼藥通大

府則藥隨水道只行於小腸而病愈盛冷熱之藥俱難以進此有餘不足之相礙也治之之法當以通氣藥爲湯洗其穀道先引其五藏之氣歸入於胃使其湯水稍隨氣而下入於胃第二度使水漸取得一兩箇下氣相次如藥取得些小乾糞氣歸大腸所餘湯水亦隨氣行歸入大腸則未喫小腸氣藥而小便自止也漸次使藥通其肝心熱毒之氣使出後稍通即便下藥取其熱毒所取下物如半腐爛者淤血之類如此然後得其病根之消滅也所下之藥具在方中此謂治其不足有

餘之相礙也吁醫術如林余之所得芽孽而已醫道如海余之所得涓滴而已因其所得雖無寸長稽其用心實非古人之形於筆舌者今略舉數條論之於前以明醫道之大略而已

### 涎論

論曰舟非水不行然波濤沸溢則覆舟之患生人非氣不活然痰涎併積則傾人之患至波濤非自生也其所以生者不平之勢作之也痰涎非自積也其所以積者不順之氣留之也故善行舟者不懼波濤而懼舟之不完



善攝生者不懼痰涎而懼氣之不順故世人之  
疾病其所以殘傷性命之急者無甚於痰涎  
而世之醫者乃有見之而不能識忽有識之  
而不能治此不幸之人其殘傷夭橫者不可  
勝數何則舉天下之人獨知風氣之有涎不  
知藏府冷亦生涎熱亦生涎痰涎一生千變萬  
化而病之所起非特一端愚今略舉數端明  
之後之學者於診療之際類而推之亦庶  
幾其疾病之徒無夭橫者矣夫涎之爲名一  
也而具數種一曰風涎二曰熱涎三曰冷涎四  
曰病涎五曰虛涎六曰毒涎其一曰風涎蓋

因人之風氣之盛上運於涎不能下入於胃  
風氣一蒸痰涎併起而上填塞竅中即使人  
悶倒無知其風氣久而不順性命之傾危速  
如反掌若其風氣未盛逡巡之間仍復自順  
其涎亦隨氣而下即平復如故此蓋人之肌  
肉厚湊裏深風不得泄於外風熱內攻大府  
祕熱毒氣上攻遂生斯疾此名之曰風涎然  
風涎之爲名一也而人藏府虛實之不同則  
涎之爲病也變化不一愚得以命其變而言  
之若今人之病大府實熱痰涎滿口吐如清膠  
胃中端息如常但湯水飲食俱不可進凡所飲

食只到喉中即不能下用力嚥下即喉中隔絕喘急悶倒良久方愈惟進得些小膠粥此亦風涎之候也然風涎之候變不同則當如何而治之曰善除荆棘者先斷其根善治風痰者先順其氣人身無倒上之涎天下無逆流之水今風痰一上而填塞胃中傾人性命者風氣運而上也今之治風涎者多使天南星半夏之類是不知病之源流去荆棘而不除其根也苟能以藥先順其風氣兼發其湊理使其風氣得以發泄於外順行於內則其胃中之痰涎自隨氣而下未喫涎藥而痰涎自

順矣然病勢之有輕重則取之有緩急若風  
氣炎盛膠涎併起其氣卒難以順之者當制  
之以急非吐之不可風氣未極痰涎未併爲  
害未深者當制之以緩先順其氣而後治其  
涎也此亦治涎之大約也然風涎之候又有  
冷熱之不同或有寒風所中冷涎所聚其人  
必先於半年或數月前喫食減少身軀沉重  
筋脉痿弱才見肉味便覺惡心非時口中一兩  
點冷涎出身不自覺冷涎所併忽悶倒不知  
人事良久復蘇即生麻痺或生癱曳或失音  
不語冷涎所積少有上併多聚中焦盈溢胃

中包衆心絡能使人狂言妄語神識不定非特不覺手臂忽自舉動如此爲冷涎之所中也治之法先以溫煖之藥散其冷毒之氣急以熱藥發其腠理然後以治涎之藥取下其涎雖且暫安而寒風所中於人亦甚不久何則熱風中人如天地春夏之風長含生氣以養萬物其人雖病難死此古人所謂風所以能養人也寒風所中於人如天地秋冬之風長含殺氣以肅殺萬物其所中非久必死此古人所謂風所以能害人也其二曰熱涎若今有取性之丈夫多食葷膩好食鹹酸以色

爲心恣貪補藥忽因醉酒房室勞傷其精丹  
元髓海雖以空虛而藏府骨膈虛熱轉盛其  
涎所積隔在中焦因其腎藏之虛寒邪氣與  
熱涎相交發爲疼痛重則不移時而傾人性  
命醫者治之不過曰此肝腎之氣是不知熱  
涎乃病之根本然京三稜蓬莪茺非能治氣  
而世人用而不驗者不識其病之源流也善  
爲醫者臨事制宜隨機應變審當輕重涎多  
者吐之涎少者下之所用之藥偏取肝家之  
風毒又何患乎人之不安哉三曰冷涎者若  
今人之肝藏有餘脾氣不足忽因使性長懷

於怒傷損肝心正氣此冷涎之所以積也脾氣不足復因肝氣所乘伏而不動停水滯穀久而不化肝心長懷於怒則其氣滯澁而不行此冷涎之所以積也然肝生風性之不定忽時而作肝主怒怒則氣逆此冷涎所以隨氣而上而生人之大病也證其候而言之則其病必先聞心前潰亂不快相次聞有一物隨氣而上觸至咽喉即悶倒不知人事手足肌肉漸次寒冷遂巡復平愈治之之法當以吐藥取之得其所取之涎其清如水其冷如雪取涎之後復審其藏氣隨其所病而調和

之亦無患乎藥之不驗也四曰病涎其人必  
好食堅硬之物傷損脾氣忽因淤怒傷損心  
肝正氣忽因寒邪熱毒之傷忽因大病之後  
餘毒客在藏府其氣結澁昏滯不能宣暢是  
以痰涎因而聚積涎與滯氣相交往往發爲  
疼痛此名之爲病涎者也明其病證在心前  
痛輕則連年累月痛無暫停重則傾人性命  
速如反掌重輕之殊涎之多少也治之之法  
當在量其病勢輕重以利藥取之輕則其涎  
如油重則其凝如白膠取涎之後然後使藥  
清其藏氣益其正氣使之平復如故也五曰



虛涎其人必因受氣之虛忽因大病之後生  
冷所傷忽因疾病之間淫慾不節致令藏府  
之氣空虛羸乏而骨膈之間虛熱上蒸上氣  
鎮長有餘下氣但常不足陰陽之氣不相交  
際不順之氣隔在中焦是以虛涎因而積聚  
風熱一攻即其涎併上初發作時先覺清涎  
滿口漸聞心前有一物上觸咽喉即喉中急  
促悶倒不覺兩手相亂把拽風氣極上即頭  
上癢忽皮臍間痛逡巡風氣順下乃遂平復  
治之之法當以臨發時使五分利藥取之以  
其胃氣不足不可十分利吐也若利吐不出

非時以壞風涎藥攬之候分數少減即於氣海上安之一灸引其涎下入於胃然後使藥調其藏氣酌量其藏府之虛實有餘者瀉不足者補令上下之氣相等可庶幾其全安也若脉氣微細大府虛冷減其肝氣益其胃氣斯可矣若小兒得病者全是胃氣之虛氣海上安灸補暖脾胃以愈斯痰仍不輒喫取風涎藥也六曰毒涎若今人之患陽毒傷寒肝心脾肺受其疫毒之氣因其毒涎相積聚在中候其證即使人大府祕熱小便黃澁而色黯赤渾身發熱昏昏如醉狂言妄語不知人

事如此之候悉皆是涎診其脉氣又却沉伏重  
手取之骨間乃得此乃疫毒之涎盈溢心胃伏  
其脉氣非脉氣之與病相反者也此所謂毒涎  
者矣治之之法急以踈轉之藥取其毒氣蕩下  
其涎所下之藥須心肝脾肺四藏俱治然當以  
肝藏爲主偏下肝藏之藥爲要也雖然涎之爲  
病千變萬化其狀不一是今之所舉數端止其  
大略而已後之學者類而推之加以識見之明  
而診療無差亦無患乎涎爲人之大患者矣

治涎諸方

凡人得只有此方內一件  
一句病證皆可藥此藥

治一切丈夫婦人風涎所積非時急飢見食

即飽心中嘔逆一切飲食都不聞味口中涎  
溢唾如濃膠急即吐逆食不住腹面色青黑  
肌肉乾燥唇皮焦赤忽時黑色兩脇下氣跳  
忽衝助下跳戰轉入背脾痛遍身肌肉忽時  
跳戰兩臂沉重忽如有物壓着夜間都睡不  
着忽如有物上觸咽喉即昏悶不醒須臾仍  
却無事忽時如有物纏繫腰背忽時有物橫  
在背上腰背疼痛忽滿口生瘡忽時下赤糞  
忽時泄瀉不定頂上躁熱小便赤色通身發  
熱眼色勁急忽時心躁熱上攻眉額發汗如  
水忽時項上皮肉間疼痛不可忍忽時心前

肋下迸重如懸一片物忽聞重處非時麻痺  
忽身上肌肉結塊連綴疼痛不安忽時頭面  
小腹兩脚都腫若是婦人連陰門腫忽起兩  
眼迸痛視物不明若有此候月水不行通得  
月水方爲安按忽時聞在兩肋下起衝入胃  
管上築咽喉昏悶不安湏是開口仰項吐氣  
方得稍快忽時如有亂虫咬心肝不可眠  
卧忽時聞氣在手指足指甲起相次聚入胃  
管即便大發熱昏絕不醒人事湏吐氣千百  
聲良久方蘇如此是藏府有積毒風涎之所  
致也凡人不安有此內一件病證皆可進服此

藥但論輕重加減服餌喫此藥後四肢八節  
肌肉毛髮俱軋軋然有聲即藥之驗也此涼  
藥也喫後大府反熱即取病之證也此病有  
根受之太深此藥不輟進服徐徐減病根若  
病勢濃者急灸肝俞減其風氣若是大府結  
澁更添下面藥數味喫安校若是太歲過六  
壬丁卯巳亥之年常有此候巳巳巳亥年其  
病尤甚若遇巳上年辰雖無病之人亦可喫  
此藥免得生病

治風氣取涎方

荊芥穗

麻黃

去根

薄荷

羌活

連翹

防風

獨活

芍藥

木香

乾蠍

僵蚕

去絲各三分

牽牛半兩

半夏

三銖

山梔

一分

以上細搗爲末每服貳錢食後煎生薑薄芎湯調下和滓服若是大府祕熱膠痰蒲口喉中噤藥不快只請去滓喫候風氣少利即和滓喫也若是大府祕不出後即用大黃壹分半夏三銖牽牛一兩半共三味搗羅爲末作一處每服用上面藥末三錢牽牛等末三錢共計六錢滴熟水丸如梧子大爲一服巳午時葱湯下大府尚不通忽穀道中通糞不下即用

皂角牽牛二味擣羅爲細末筆管盛內於穀道中吹之翦去指甲用拍頭穀道中撥取乾糞下也

### 痢論

夫痢之爲病世人所患者多然方冊所載者未嘗有必驗之方古人所談者未嘗有卓然之論服餌之間世人矢橫者莫知其數此聖人名方爲大奇後之學者不能思而自得之也若今有人得一名方自以爲神傳聖惠應効不測然有一人服之而減未可圖其必然之驗也此愚以方冊所載者未嘗有必驗之



方也以赤爲熱以白爲冷醫者之辟萬口一說  
此愚以爲古人所談未嘗有卓然之論也何  
則以赤爲熱以白爲冷赤白爲冷熱不和獨  
知大綱而痢之有變化重輕之別得其粗而  
不得其詳知其二不知其二者矣夫痢之爲痢  
一名而具八種一曰白痢二曰赤痢三曰赤白痢  
四曰水穀痢五曰血痢六曰疫毒痢七曰休  
口口痢八曰小兒疳痢此皆受之不同治之不  
口口不異索其詳而論之則其痢之爲病雖  
口口口重輕之不同然一歸之脾氣之虛而已  
口口口萬物非土不生五行非土不載五藏非

脾不養脾者中州之土能化腐水穀設滋味  
於肌膚行糟粕於大腸脾藏溫和而諸藏之  
有冷熱不調即自生他病不爲之痢也是故  
赤痢雖熱本因脾腎之虛赤白相雜雖爲冷  
熱不和而又有重輕之別若今人之下赤痢  
先轉數行而後有赤痢之變若以赤痢爲熱  
何乃有先轉之說歟以赤白爲冷熱不和而  
復有赤少白多赤多白少能無重輕之別乎  
此病有變化之不同予得以命其祖而言之  
也一曰白痢者五藏傷冷脾胃極虛之所成  
也其得之重出後如鷄卵清如魚腦漿者腎

有所傷也急以補脾腎藥以暖之加以舶上硫黃丸無問多少空心即服以止爲度蓋病勢之重治之不可後時也二曰赤痢者三焦之熱血有餘而脾腎感寒之所成也夫肝心積熱之人多食生冷愛喫涼水口之所納都聚於脾腎寒溫之氣所傷而肝心氣變血損於中此肝心之血乘脾之虛滲入大腸而赤痢者也先服解寒氣藥次喫暖脾藥其治之如反掌尔三曰赤白痢者心肝血損而脾之與胃藏腑皆虛之所成也脾氣之虛則肝氣相乘胃氣之虛則停水滯穀凝而爲涕肝氣乘

脾氣則肝心之熱血乘脾之虛滲入於大腸與胃中之涕相雜而下此所以爲赤白也忽有赤少而白多忽有赤多而白少忽有赤白相等此受病有淺深下藥有輕重當在臨時度宜隨機應變不可差之分毫也愚切以謂赤多而白少者清利肝氣而輕暖脾胃也白多而赤少者微清肝心之氣而甚暖脾胃也赤白相等者微利肝心平益脾胃氣而自愈但發寒熱爲最重方見痢方中四曰水穀痢其人多飲凉水忽餐生冷之所成也所下之痢悉皆黃色忽時下白沫治之之法補暖脾

胃而其疾自愈五日血痢其人多淤怒因更相毆擊忽因焦熱極驟食生冷脾胃損虛之成也所下之痢多黯赤色無寒熱者清其肝心之氣而疾自去矣六日疫毒痢者毒氣所傳一坊一境家家戶戶更相染易無有不病凡下痢之時忽先發寒熱忽先轉數行忽生冷所傷因而下痢所下之痢渾是赤色濃如膿涕忽時半盞下濃血腹中刺痛忽心中煩躁三焦否隔全不思食此名爲疫毒痢也然則疫毒所主五藏從何而得經言春若傷陽夏必人多瀉痢此疫毒之根先受之於肝

也夫春氣本和而反傷於熱此陽氣所勝肝  
家受熱而其氣有餘者也經言五行受病必  
先傳其所勝則肝之得病必先傳之與脾而  
世人於夏月之間多食生冷傷損脾氣脾氣  
虛肝邪得以乘之而脾受肝邪伏而不動莫  
能消水化穀此疫毒之痢必先轉數行而後  
有赤痢之變也先轉數行者脾受邪而脾已  
生病也後有赤痢之變者肝之血熱乘脾之  
虛滲入大腸而爲赤痢也中間忽有赤白相  
等者此肝之毒血雜胃中之寒涕也若發寒  
熱方見痢方中有白少而赤多或有白多而

赤少肝之邪毒有輕重之不等也七曰休息痢者蓋患痢之人其治痢之時不能解肝邪而肝家餘毒之所成也脾藏久受肝邪則不能強健消化水穀是毒痢之所下纏綿久遠而不較此所以爲休息也八曰小兒痢者蓋小兒肝受熱而相刑於脾之所成也肝之刑脾則所下之痢全是赤色或赤白相雜至脾之自受疳氣則骨肉消瘦所下之痢多黃涕白沫少有赤色相雜也如此數端亦治痢之大略而已至於醫道之淵微愚不能知其妙

### 治痢諸方

治脾胃虛冷停水滯氣凝而成涕所下之痢  
渾是白涕宜喫此方初得痢時並無壯熱頭  
痛方可喫此藥

舶上硫黃一兩細研如塵

右以白麵一分鍋內炒令熟放冷於乳鉢內  
與舶上硫黃末同研令勻滴熟湯丸如梧桐子  
大每服五十丸以止爲度空心溫米湯下若初  
得痢時即不可喫此藥

治脾胃氣冷相刑於腎土水相攻寒濕交爭  
所下之痢全是清涎有如雞卵清之類宜喫  
此方將舶上丸相間服



石斛 去根

白朮

吳茱萸

續斷

草豆蔻 麩 芎

乾薑

茯苓 分

防風 各一分

訶梨勒

連筒麩裏火炮熟去核只使皮秤半兩

牡礪 一分火通赤

右以上細搗羅爲末煉密丸如梧桐子大早朝空心溫米湯下五十丸空心服有壯熱不請喫治三焦壅熱其血流散乘脾之虛滲入大腸而所下之痢盡皆赤色別無白痢相雜並不壯熱亦無心腹疼痛診其脉上都洪大脾脉外鼓而沉大宜服此方候上焦氣清赤痢消滅忽變成白忽赤赤痢減後却聞得小腹逆

脹即便脩合後方喫取平安

麻黃

去根

防風

麥門冬

去心

獨活

木香

牡丹皮

去心

前胡

去毛

荊芥穗

各二分 蒲黃四錢

右爲細末每服二錢食後熟湯調下去滓服  
候赤稍減忽變成白忽聞小腹膨脹即脩合  
後方喫也

治赤痢喫前方了忽變成白忽已校可忽聞  
小腹膨脹宜喫此方

防風

甘草

炙各一分

芎

兩半

木香

三錢

訶梨勒

麝香火炮熟  
去核只使皮半兩

右爲細末每服一錢半水一盞煎取九分空心  
和滓喫

治水穀痢所下痢並無赤色只下黃涕忽時  
下白沫飲食減少肌胠黃瘦宜服此方

訶子

麤裏火炮熟去核只度皮一兩

黃橘皮

白朮

芎

各半兩

甘草

細切

肉豆蔻

一箇

舶上硫

黃

一兩細研

右搗羅爲細末用舶上硫黃相和令勻用薤故  
仁作粉煮粥丸如梧桐子大急火焙乾每服  
五十丸空心溫米湯下須是焙乾莫令損藥氣  
治赤痢所下之痢渾是鮮血忽有黯色據候

多因使性癢怒傷損肝心正氣忽因事爭打傷損經絡致有斯疾

桑寄生

一兩

獨活

木香

甘草

炙

芍

牡丹皮

去心各一分

右爲細末水一盞煎取八分非時喫每服二錢

治疫毒痢并論

痢藥須子細對證用之取效如神大抵此一集方無不精妙但要病藥相對

凡疫毒痢一方一境家家戶戶更相染易無不病緣疫毒之痢非獨一般證候多端根源奇異雖神農岐伯尚以爲大奇之病後之學醫未識其粗迹豈知其津涯但言白痢爲冷赤痢爲熱赤白爲冷熱不

和不知有何經證以白爲冷偏下暖藥幸亦無差以赤爲熱不知熱從何藏愚者妄言不過曰熱從肝心因何無涼肝心必驗之一方定治赤痢以行於世以赤白爲冷熱不和又不知指稱何藏愚者妄言不過曰冷熱氣不和復不知因何無和氣藥一方定可用治赤白痢以存之方冊醫家自不知病在五藏從何而生只務檢方行藥幸而偶有所中人且獲安不幸而差之毫釐所投之藥乃暗中與戰但病者不見痕迹所傷無能知覺觀之得不寒心吁神農之後世世學醫者

未明天地之氣候不識五藏之應變者不能  
知常病之源流豈足與語奇病之變化是以  
痢之一病方冊所載古人所談未嘗有一言  
一句略明其粗予嘗探尋五運之氣數稽諸  
天地之變化推步六氣之行度參考脉氣之  
經注以天驗人以人應天痢之一病億萬分中  
少知其一二但以其變化之間獨可神悟難  
以言窮筆舌之間不能曲伸其旨使後學  
者洞識精微而無悟人之性命深以爲恨  
今但子細陳其粗迹以爲後之醫者筌蹄在  
詳審而用之適足以知我之用心誠爲愛人

之切爾經言春若傷陽夏必久多瀉痢此之一節無問太歲但一春之間早有炎暑暄熱之化至於夏月忽生瀉痢之病通其肝氣其病即愈但兩三盞無驗更不請喫若少有效驗喫之以較爲期蓋痢之一病證候多端藥中其源即便安按故無在於多喫也切慮世醫悞認證候妄投藥餌以傷性命但患痢之人所喫之藥兩三盞不見効驗更不請進服今自有方具其變之候備別于下更在詳擇而用之永無差悞緣疫痢之狀變證多端予請以太歲推之

子午之年君火司天土性生金火性制金土火  
交生濕蒸相搏則宜其土有所潤火有所澤  
火氣見鬱心氣內傷乃生赤白血痢寅申之  
年相火司天土火並化氣味交通與此同候  
丑未之年太陰司天土化流行土火交通濕  
熱並至子母同化性不相侔溫濕攻心脾鬱  
心氣內變血淤於中注下赤白且子午年丑  
未年寅申年土之司天則異而氣化之生病  
則同何也荅曰夏秋相交火金相繼土之一氣  
常遊於其間土有所潤暑有所澤然後金生  
是以火土二位氣位交通事理相混其所以



司天之歲雖殊相鬱而生疴則一也方見下

卯酉之年陽明司天金行其令氣化淒清人少脾病六月七月水火相犯八月九月金木相攻水之與木一化有餘赤白下注從此而生是歲君火司地少陰在泉火能制金一旦於歲中火淫所勝焰明郊野則化來救寒更作人病赤白在下巳亥之年少陽在泉相火司地與此同化然君火之化善相火之化惡善則傷人遲惡則傷人速治同法方並見下辰戌之年太陽司天水化流行寒邪犯心血氣內變傷損於中因而下注赤白此病世之

罕有蓋傷犯人之急也但

辰戌年之痢發熱如火當痛所下之痢如紫  
草水如膠涎如茶脚不急治之其亡也如反  
掌方並見下

己亥之年厥陰司天木化流行土木相交風  
濕相爭脾土受邪此肝之熱血乘脾之困滲  
入大腸而生赤白瀉痢之病方見下

已上天地氣候推之未詳予請以五運  
之政推之

甲子甲午濕化有餘丙子丙午寒運太過庚  
子庚午上受天刑必有水救已上年辰天地

相遇剛柔始交月氣是水與天相犯水火相持  
以爲一年病始更遇寒濕之運與水相助忽  
受刑之運有水相救已上年辰歲半之前多  
有清肅之化至於夏月氣候久寒熱交爭  
乃生赤白之痢爲此寒濕犯火德之與常例  
不同自有方在下子年爲甚而午年少減若  
寒化偏多陽化少舉乃生寒瘧傷寒熱瘡之  
病痢疾乃加

戊子年上爲天符戊午年天符歲會氣以之  
詳人以之寧一旦寒濕之氣少犯於心忽注  
下赤白人多患暴死有此證候治之亦與丙

申年同議者謂戊子戊午年天氣運氣皆是火今乃言忽有寒濕犯心何也荅曰巳午之上有戊巳之土當有寒濕之化與火相持然後使金得而生此戊辰戊午年亦疑有寒濕之化相犯於心也經言中執法者其病速而危中行令者其病徐而持中貴人者其病暴而死蓋以此也

壬子壬午木運相助風熱大盛木能制土脾乃受邪若此歲中忽有大風炎熱之勝人生瀉痢之病其鬼在肝方具於下然子午之歲地之初歲寒邪與天相爭丙丁之位與戊巳

共居若於歲中反有寒濕之多所生之痢治  
亦與甲子丙午甲寅甲申丙寅丙申戊申庚  
寅庚申壬寅壬申年氣候大約與子午年同  
所生之痢亦同法方並見下

乙丑乙未丁丑丁未巳丑巳未辛丑辛未癸  
丑癸未巳上年辰每一年之運各管三氣化  
乙丑乙未金運本涼以其氣之不足反與少  
微同化然火土交昧太陰所寓熱化並行濕  
熱相持心氣內鬱血損於中注下赤白忽火  
之不常其德侵傷其不足之金則水必相救  
寒邪犯心因而生痢此乙丑乙未年之病忽

有以土之鬱火而生忽有水之犯心而成其  
受病臟腑雖不同然土水共胞寒濕同化則  
其治大同而小異也方並見下經言其運涼  
熱寒蓋以此矣向下准此而推

丁丑丁未木運正風與天土相犯然以氣之  
不足反與少商同化若於歲內金之不常其  
德多有清肅之化則火必相救炎暑將至與  
土相持而濕熱相交血氣內損乃注下赤白  
然丑未之年天能制色土將犯水木雖不足  
而其怒無時忽若風化大來土木相戰則肝  
發傷脾此丁丑丁未年之痢忽起於肝忽生

於脾者矣方見下經言丁丑未之年其運風涼熱蓋以此也

己丑己未年天符歲會氣以之詳物以之寧人以之安然太陰之味先苦後甘氣化相交土性生金火性剋金忽於歲中火土相攻心血內變痢疾所生人多暴死此蓋邪之不可侵傷於貴人也方見下遇此年辰常喫調和脾氣藥以安貴人是服食之宜也

辛丑辛未水運不足雖上受天刑然下加太陽反歸平氣是歲天主地水寒濕偏多火氣見鬱鬱若有痢之疾生其起在心其鬼在於脾腎

方並見下

癸丑癸未火當其運其氣不足反與少羽同化是歲太陽在泉寒氣不減寒濕更作火氣見傷痢之所生其病在心其鬼在脾腎胃方並見下

寅申之年大約與子午年同但相火之政暴遇其獨勝則其害立至若與水土相犯其候變證多端方具于下

乙卯乙酉年金運不足本與少徵同然乙在卯上爲天符反歸平氣在酉上爲三合名曰貴人邪不可犯然是歲金位在上火位在下



名爲逆化金燥交合切忌火氣之膠若火有所勝水必來救此年忽有痢疾之主天氣炎熱病起於心氣候清寒病起於腎方具于下丁卯之年水運不足下加於卯雖上受天刑其政不減是爲歲中忽有風熱之勝痢疾之生其鬼在肝乙酉之年水受天刑然是歲火司於地與木相得忽於歲中反有風熱之作方見下

己卯己酉年土運不足然水受天刑必難相犯忽於歲中風濕交爭痢之所作其鬼在脾卯年宜有此候酉年差減若有此疾治之亦同

辛卯辛酉年水運不足反與土同化而歲水不及火化妄行與土相持勝熱客於胃多下赤痢忽作便血土勝則溼火而注下赤白是歲若有痢疾之生一起於心一起於脾有方治之具見于下

甲辰甲戌丙辰丙戌之年寒濕過多火氣見溼庚運之年清化亦甚是歲運氣與天水相生與地土相得已上年辰痢疾之生切爲大害不可妄投涼藥戊辰戊戌之年水火相戰壬辰壬戌之年土木相攻所生之痢其證自各不同方具于下

乙巳乙亥之年金運不足無能與天相犯乃與少徵同化丁巳丁亥之年上爲天符木化之甚

巳巳巳亥之年木能制土脾將受邪辛巳辛亥之年水運不足與土化同土木相攻脾氣偏弱癸巳癸亥不足之火與天相得與地相符火致政不減是痢疾所生起在肝心方並見下以運言之猶且未足予請以六氣推之  
子午年丑未年寅申年四月五月火土相交  
辰戌年四月五月水火相犯巳亥年四月五月木土相攻卯酉年四月五月金火相持水

若相救邢乃犯心子午年六月七月土火相  
鬱卯酉年六月七月水火相犯辰戌年六月  
七月土木相攻己亥年六月七月火土相持  
已上年月忽生痢疾皆隨其月氣相攻而成  
也善爲醫者先治其鬼其病自愈議者謂  
六氣推遷於十二月中各紀一步今獨舉四  
月五月六月七月兩氣以言痢疾何也荅曰  
夏秋相交火金相繼土水二化長遊行於其  
間土寄於巳所以生金火位於申所以制金土  
生於申所以傳金水生於申所以救金然後  
夏秋有相承之理五行六氣元妙從此而著

人之痢疾從此五行元妙中生是故聖人名之曰大奇之病予故陳逐年四月五月六月七月之氣候以言之其餘他氣生病皆倣此而推切以六氣之政化見之未詳予請以脉候明之

若今人之下痢服涼藥暖藥皆不驗診其脉脾一指外鼓而沉此名腸澼其候非藥力可治久當自較但世人有患不驗纏綿經久却因亂喫一般物便得安校此乃正腸澼之候也今有患痢診其脉肝脉一損小而緩此病輕治即愈今有人患痢診其脉腎脉一指小

而沉所下之痢皆是血痢此之一病受之非常治之亦難血溫身熱者死方亦見下今有人患痢診其脉肝心脉脾脉皆微細不濡不絕所下皆是血痢藥到便安今有人患痢其脉微小再三尋之又沉而濡此之一候若下白痢其勢雖重庶幾可治若是下血切忌發熱通身發熱者死熱見七日死已上所陳雖未足以達痢之淵源亦足以明其粗迹議者謂如子所言自甲子至於癸亥每六十年中未嘗有一年不生痢疾今世人患痢疾於數年中間忽止有一年其故何也荅曰六十年中

未嘗有一年無水土相攻未嘗無土火相鬱  
未嘗無水火相犯但五運之政譬如權衡一  
年間五行氣數更相承制得其平等則其疾  
自然不作忽若一氣大過一藏有餘痢疾之  
生應不旋踵予故備陳其粗以開後學之未  
悟庶幾診療之間無差悟之過者矣但毒痢  
傷人不一惟水邪犯心爲重世人初患痢時先  
發寒熱投藥治之其勢不退發熱太甚食  
則嘔逆下痢不止心熱如火只要入涼處只  
思喫冷水狂走渾身肌肉疼痛着手不得此  
候十難治其三四也治疫痢方湏是子細首

尾讀此方論令分明識病根源然後喫藥但毒痢  
初得時先發寒熱忽頭痛忽壯熱忽轉數行便下  
赤白相雜忽止下白痢忽先下白痢後變成赤痢  
忽先下赤痢後却變成白痢宜喫此方但初下痢  
時先發寒熱頭痛即是寒邪犯心寒氣犯心水火  
相戰故初得病先發寒熱水火相犯血變於中所  
以多下赤痢如紫草水如苋菜水無色澤者寒邪  
犯心之重也先發寒熱而所下之痢止白色者寒  
邪犯心之未重也先下白痢而後有赤痢之變者  
寒邪犯心其勢漸加也先下赤痢而後變成白痢  
者寒邪犯心其勢漸減也赤白相等者



水火相犯其氣相等寒濕之氣相搏而成也  
忽有赤少而白少此寒邪之勢有多少毒痢  
之病有輕重以白多爲輕以赤多爲重治之  
之法先奪其寒則所下之藥一也以太歲分之  
則丙子丙午甲子甲午庚子庚午丙寅丙申  
年甲寅甲申年庚寅庚申并辰戌之年運過  
丙申及庚運所臨其害尤甚及丑未之年宜  
有此候又更無問太歲蓋天地變化其候多  
端難可窮盡今立此方但世人亦不必椿定太  
歲但看一年中春夏之內多有寒肅之化陽  
光少見忽寒熱二氣更相交爭忽於夏月多

寒濕之化寒邪犯心所受之痢先發寒熱忽頭痛忽先轉數行後有赤痢忽赤白相雜忽止下白痢並宜喫此通神散喫後取壯熱減退若兩三盞後壯熱不退更不喫此方自別有論方在下

麻黃

去根節

官桂

去麋皮各三分

甘草

各一分

大芎

白朮

各一兩

細辛

八銖

獨活

桔梗

防風

芍藥

白芷

各半兩

牡丹皮

去心

牽牛

四銖炒

右爲細末每服貳錢非時熱湯調下和滓熱

史 1  
三 2  
喫若喫三兩盞後寒熱不退更勿喫自別有  
方論在下若喫此藥後寒熱已退赤痢已消  
減便修合第二第三方藥喫之取安校若寒  
熱已退赤痢本消減更服三兩盞然不可多  
喫一日只兩盞候赤痢消減忽變成白痢漸  
決修合第二方喫候出後

度數減少便修合第三方喫取平安也但六  
甲之年六庚之歲春夏之內時氣多寒人得  
痢疾此藥通神若是六甲之年丑未之歲濕  
化偏多人得痢疾先發寒熱即於方內添草  
豆蔻一兩修合也又不問太歲但一年間春夏

之內多寒人有痢疾先發寒熱並宜喫此方  
治毒痢初得時先發寒熱喫前方寒熱已退  
赤痢已消減宜進此方還真散若喫前方藥  
寒熱未退赤痢未消減更勿進此藥但天地  
變化其候非常痢疾證候多端此不得不盡  
子細故尔

訶子

五箇用麴炭火炮熟不要生不要焦得所去麴  
不便就熟喫訶子破去核不用只使皮焙乾

右細搗羅爲末每服貳錢以米湯一盞半同  
藥煉取一盞喫若吐出一兩口涎便住如此  
喫經數盞大府漸安出後減少便修合第三  
方藥喫以牢固大腸若喫前方藥壯熱未退

血痢未減不請進此藥

治疫毒痢喫前兩方藥病勢已減所下之痢止餘些小忽青糞忽如鴨糞忽如茶湯如濁油忽只餘些小淺深紅色宜喫此方以牢固大腸還復真氣船上硫黃丸

船上硫黃

一兩去沙石細研如飛塵

右以薏苡仁二兩炒熟搗爲末與船上硫黃相和勻滴水相和丸如梧子大空心以米湯下五十丸

治毒痢初得時先發寒熱服前面毒痢方通神散三兩蓋一日忽隔一夜寒熱不退下痢

不減分數通身發熱所下之痢多是濃涕如  
挑花色如紅米膠每一次忽下一盞半盞已  
來喫此藥貳盞叁盞經一日忽一夜寒熱不  
退下痢不減分數更不進此藥若依法進藥  
兩盞壯熱便退下痢少減分數即請漸漸進  
此藥每日只兩盞候赤痢稍減忽變成白痢  
却修合上面還真散喫取平安且痢之有寒  
熱其證一也前方以暖藥解之此方以涼藥  
投之其說何也荅曰水邪犯心身能發熱土  
濕鬱火身亦發熱肝熱刑脾身亦發熱惟至  
精者識其秋毫之變切恐世人未能通其

妙旨予因設此兩方以救其失然毒痢之傷人惟水邪犯心最爲極重但患痢疾之人有增寒壯熱先喫上面通神散兩三服寒熱不退下痢不止然後進此藥以太歲分之惟六壬六戊寅申巳亥之年宜有此候而六戌之年尚有差變蓋火盛之年必有寒濕相犯故然以六氣推遷不定又不可局定年辰但一年之間春夏之內熱氣偏多濕化不舉人有痢疾肝脉弦心脉洪然後喫此藥若喫兩盞後不見效驗更勿進服蓋痢之所起切忌水之犯心不可妄投涼藥故此方兩盞後

無驗更不可服

荊芥穗

牡丹皮志

木香

白頭翁

芍藥

桔梗

防風

獨活

地榆各分

黃連

蜜浸一宿火上炙乾使三分

牽牛炒

右爲細末每服貳錢水壹盞煎一二沸急瀉  
出食後溫和喫之此藥少見効驗更可進服  
以安爲期然不可多喫一日只兩盞痢才住便  
得止

治毒痢初得時發寒熱微有小寒熱忽止腹  
痛出後時糞後有少膠涎與赤痢相推却自  
悞喫涼藥漸漸下痢極多從早至暮但只思



睡早朝即顏色枯痺身躰稍涼近晚至夜即  
面色赤顏色光潤下痢極多皆是清涎與赤  
痢相雜通身發熱不思飲食渾身肌肉着床  
則痛據此候宜當喫此藥但身躰大熱如火  
與人相近則熱氣逼人其脉輕微輕手取之  
散滿指下不分部位全無骨力指下如風如  
氣重手取之指下全無急用訶子五箇炮制  
如下面法搗羅爲末爲一服先用熱米湯調和滓  
熱服吐出涎脉氣方生可進下而方

白朮

辛兩

白芷

芍藥

大芎分

甘草

四銖

訶子

五箇面裹燒熟去麁  
皮碎去核用肉焙乾

右細擣羅爲末每服三錢熱陳米湯調下和滓喫

治毒痢初得病時並無寒熱所下之痢全是濃血忽黯血左右三部脉氣皆微細宜喫此方

桑寄生一兩

防風

芍各一分

甘草四錢

右擣羅爲細末每服貳錢水一盞煎八分空心和滓喫

治赤白痢初得時並無寒熱忽患赤白痢經久未較別無增寒壯熱宜此方

淡豉十箇

黃連

四十九枚每枚長一釐飯許

右件用新埧瓶一箇安藥在內以新片瓦蓋

瓶口大火煨通赤後煙絕取出就熱研如飛  
塵每服二錢熱鹽米湯調下和滓服應是赤白  
痢無問赤多白少但身熱無增寒壯熱者皆  
可喫此方

治赤痢或赤白相雜初得時並無增寒壯熱  
經及數日身熱不熱只聞小腹內躁熱下血  
不止忽止血便暖藥不見驗効宜服此方寅  
申巳亥年六壬之年宜有此候但喫兩盞後  
不見效更不請喫此藥但唇皮赤忽腫黯色  
小便黃白身熱涼夜間則發熱如此即肝熱  
刑脾之證也

荊芥穗 牡丹皮 去心 白頭翁 地榆

芍藥 防風 桔梗 各一 黃連 一分

牽牛 炒熟 三銖 木香 三銖

右搗羅為細末每服貳錢水壹盞煎兩沸食後和滓溫服須是一年之間春夏之內風熱太甚分明識其痢疾定是伏熱方可進此藥

治下赤痢身躰並無增寒壯熱此名肝心變澀

黃連 一兩蜜浸壹宿炙令香熟 木香 三銖

右為細末濃煎陳米湯調下貳錢食後和滓服

治赤痢不止其脉反微小沉而又瀉其身熱

者死熱七日死此候極危困但喫上面通神散  
一兩盞發熱便退亦庶幾可治便修合上面還  
真散船上黃丸喫取安校若喫通神散後發  
熱不退難治之也

治患赤痢赤白忽因先寒瘧後變成痢忽因  
患痢後却變成寒瘧但疾痢時無問赤白若  
有增寒壯熱並宜喫上面通神散喫了壯熱  
已退便修合還真散船上黃丸喫取安校  
緣此證候乃水邪犯心治之不可輕也

桑寄生

書

地榆

芍

防風

各二兩

人參

黃橘皮

各二兩

甘草

炙

木香 各三銖

白茯苓 半兩  
炒去水

右爲細末每服貳錢水壹盞煎取八分和滓服經數日外仍修合暖益脾藥喫

治小兒疳痢所下之痢多黃沫白涕但髮稀面黃腹大忽非時泄瀉不成肌肉宜喫此方

使君子 半兩  
三度

訶子 一兩  
兩裏炮  
去核使肉

白蕪荑

草薺

芎

檳榔

肉豆蔻

木香 各一分

右爲末每服壹錢半空心倉米湯調下量兒大小服之

治小兒肝受疳氣相刑於脾所下之痢多是

鮮血忽是膿血忽赤白相雜宜此方

防風

地榆

芎

白蒺藜

去刺各一分

史君子

半兩蒸四  
五回焙

木香

甘草

各三錢  
炙

黃連

四銖二十四銖為一兩

右為細末每服壹錢半非時或食後任意煎

點冷喫

治痰嗽益真丸

人參

黃耆

吳白朮

各半兩

木香

一分

熟乾地黄

六錢

鱉甲

四錢

當歸

去苗

白芍藥

白伏苓

阿膠

炒成  
珠子

鹿角霜

各三錢

桑寄生

二錢

枳實

炒一錢

右爲細末煉密丸如梧子大非時清湯下三十丸一日兩服

治氣弱腹結

白朮

半兩

人參

一錢

大芎

甘草

炙

藿香

半夏

陳橘皮

各一分

茯苓

三錢

草豆蔻

各一分

薏苡仁

半兩

厚朴

三錢酥炙

天南星

二錢炮

右爲細末空心水壹盞薑三片棗二箇破之

同煎七分去滓服

治心氣動肝脉虧

桑寄生

一分

茯苓

防風

獨活



甘草 炙

槐角

枳實

各一  
分炒

木香 錢

白茯苓

炒去刺

人參 各半

白朮

七錢以桂  
枝續添

右為細末每服三錢水一盞磨沉香少許煎七分  
治精血皆虛鹿茸丸

血茸

半兩用  
酥微炙

五味子

山藥

各一兩以上  
三件為末

青鹽

三錢  
合研

右煉蜜和作一塊收斂合中臨時丸每服三十九  
食前溫酒下

治肝腎氣虛外應目不榮宜服此足精丸

好熟乾地黃

酒是蒸九遍  
用酒製連者

當歸

白芍藥

人參

山藥

各半兩

茄茸

酥炙去  
皮七錢

五味子

六錢

川椒

去目一  
錢半

青木香

獨活

甘菊各三錢

白茯苓

杜仲去皮酥炙

兔絲

黃耆各半兩

大芎

肉蓯蓉各四錢

右為細末煉密丸如梧子大空心濃煎糯米湯

入鹽少許下五十丸

又服洗肝散

天麻半兩酒浸一宿濕帝裏煨

白僵蚕去口去熱

天南星地各一分

芎

黃耆

薏苡仁

白芍藥各半兩

白茯苓去利四錢

甘菊

甘草炙

人參各三錢

木香一錢半

沉香煎時磨少許

右為細末水一盞薄苛二葉磨沉香少許同煎藥之時取七分去滓服日進二三服每服二錢補心氣人參散

人參七錢

伏神

山藥

各半

白芍藥

黃耆

熟乾地黄各一分

防風一錢半

甘草一錢

官桂

去皮一分半

天南星地黃二錢

右為細末每服一錢水一盞生薑棗少許煎七分

司業六脉滿而不實寸口倍於人迎天脉

血濁而氣浮宜清血抑肺氣如此即隔通而氣

歸於下不可服燥烈之藥第一方

人參七錢

陳橘皮去白

白茯苓

麥門冬去心三錢

桔梗

紫苑

防風

黃耆

前胡

白芍藥

各二分木香一錢

白茯苓去刺

桑白皮

各半兩

甘草二錢

大腹皮半兩

右爲細末每服三錢非時或食後少時水一盞磨沉香少許生薑一片同煎八分初服三四服覺膈快便不須服却只常服丸子候三兩日間覺似壅即進一服此散子不常服

又方

天麻炮裂

肉苁蓉

酒浸一宿

熟乾地黄者好

兔絲子

酒浸一宿

山藥

栢子仁

各半兩

草薢

茯苓

白芍藥

各半兩

牛膝

土頭四錢

人參

七錢

枳實

一分炒過

木香

一錢半

右爲細末搗蕙苡仁爲粉煮火作稀糊丸如梧子大陰乾每日空心濃煎糯米湯入鹽下五十丸

治小兒腹中有氣不散而藏府微澁夜有盜汗

史君子

三錢

京三稜

草薺

白茯苓

鱉甲

人參

各二分

黃耆

一錢

獨活

錢二

肉豆蔻

二箇

木香

一錢半

甘草

二錢

右爲細末非時水半盞煎二錢煉取三分去滓

服覺氣散則已之不可多服

治小兒瀉本因傷水

訶子

白朮

白芍藥

各二分

甘草

炙

茯苓

獨活

厚朴

去皮各二錢

黃連

炒

肉豆蔻

一枚

右為麝末煎一錢許去滓服水七分煎至半盞

久便血

黃連

一錢炒半焦

白茯苓

去粉半兩

槐花

炒

獨活

訶子

炮取肉

枳實

炒

荊芥穗

蔓荊子

各一分

木香

一錢

白芍藥

三錢

甘草

二錢炙

右爲細末食後水壹盞煎三錢匕取七分和  
滓服或煉蜜丸如梧子大清湯下三四十九無  
時日一服或二服

治小兒急慢驚風

人參

好者

天麻

炮

天南星

炮

黃耆

芎

各二錢

薏苡仁

獨活

伏神

蔓荊子

各一分

欬奠甲

酥炙

木香

各一錢半

甘草

錢一

半夏

薑製一錢半

乾蠍

四箇全者用糯米同炒米熟爲度

麝香

同朱砂研

朱砂

令

臨服

石

散入少許

右爲細末如飛塵入朱砂麝香少許每服二  
錢同煎三四沸與三匙頭如更發數即添麻

黃一味并煎服不入麻黃如大府冷即添白  
木末一二豆粒許同煎小兒藥宜服細末取  
其氣液之全唯是止瀉痢乃作丸耳  
治血滯精虛肛門痒痛成痔

白斂

黃耆

炙各半兩

槐花

茯苓

白芍藥

甘草

炙

當歸

去苗各壹分

南木香

枳實

炒焦一錢半

白茯苓

三錢

右爲麤末非時水壹盞煎三四錢匕取八分去滓  
服每日空心先服鹿茸青血丸方在前  
却日進三四服以去痔根初服只二三服俟青鹽  
丸及旬日自然可載此藥後續進兩三服二藥



相兼而進久可以去其根本下血日多即令人  
心忪無情緒意思不悅宜戒酒慎護病雖已  
止宜服此二藥

服藥若痔根已安藏血未止即更服後方

新活鯽魚壹箇

重四五兩以上者去腸不去鱗

白礬

三兩微敲研

槐花

半兩

蒲黃

一分

右衮合同納於臍腹中納藥了以線繫之入  
一坩合中外以鹽泥固濟乾十斤炭簇之火  
盡取出細研如塵蒸餅丸如梧子大非時米湯下  
二三十九日一兩服

少陽相火之後與水爭戰耳痛方

官桂三錢

白芍藥

白茯苓 桔梗

防風

甘草炙

羌活 麻黃酒洗

麥門冬去心各一分

黃耆半兩

山茵陳二錢

右為麤末每服三錢水壹盞生薑二兩片煎至七分去滓服日三如不痛更不消服只進補腎藥小兒藏寒泄瀉不止豆蔻丸

草豆蔻

壹枚剝開皮入乳香一塊在內復用和白酒煮爛大燒令熟去麤皮及豆蔻皮不用

右為細末以粟米飲丸如麻子大每服五七丸米飲下無時

治婦人骨蒸方

桑白皮

黃耆

薏苡仁各半兩

茵芋

紫蘇葉 茯苓 甘草各一分 官桂去皮二分

大腹皮一錢半 陳橘皮三錢

右為細末每服四錢水壹盞薑三片煎八分服之三四日却服後方

微利不妨如脚未消即間用豆湯服一服

又方

牛膝去頭酒浸一宿 當歸去苗 茯苓 熟乾地黄

薏苡仁 黃耆 巴戟去心各半兩 栢子仁

鱉甲酥炙 芎藭各一分 桑螵蛸三分

右細末煉蜜丸如梧子大空心鹽湯下五十九

小兒泄厚腹丸

地榆 天麻 芎 赤石脂 各一分

訶子皮 削朮 各三錢 厚朴 去皮一錢薑炙 木香 半錢

右為細末 棗肉為丸 非時服三十丸

治久瀉方

白朮 半兩 白芍藥 半兩 桔梗 一分 白芷 半兩

右為細末 以豬肝四兩片切如食法 入少鹽和之 不用油用藥先和一半 於鉢內先焙過 次用木炭火 上灸乾 再傳末作兩三次食之 止泄最妙

又方新製

人參 二兩 黃耆 薏苡仁 糯米末

阿膠 木香 茯苓 半夏 和法

甘草

炙

鰵魚甲

白朮

肉豆蔻

二個

右爲細末不羅非時以水壹盞生薑一片棗子一箇破之同煎三錢取七分服去滓服至十來服或七八服覺血淡或微有些小腹痛每服加白朮少許及烏梅肉半箇煎但血旋止和胃藥藥未可全去只桔梗枳實一味以白茯苓代之

痢稍止未全成臧府忽下血猶未止却服此方

黃耆

輕炙

白茯苓

各半兩

白斂

伏苓

槐花

微炒

獨活

各二分

訶子皮

四錢

木香

黃連

燒焦二錢

右為末煉蜜丸如梧子大非時清湯下二十九至  
三十九丸米湯亦得

又方

訶子

炮令大熟

山藥

人參

白米

各半兩

熟乾地黄

一兩半地黄最能補而去肝風但通腸於利藥中使非訶子不能為功

木香一分

桑寄生一分

右為末煉蜜丸如梧子大空心米湯下三十九常服以去痔疾又能足血

進飲食香末丸

白朮

兩

丁香

一錢

半夏

木香

炮

蓬莪茂

各一兩

防風

麥蘗子

炒

神麴

炒各半兩

茯苓

甘草

右爲末水麴糊丸如梧子大每朝米湯下三十丸  
食後服

史載之方卷下終